



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Constitutiones Variorum Pontificum in præcedentibus Editionibus
desideratas, summoque studio hinc inde conquisitas complectens

Luxemburgi, 1741

7. Pius, & misericors &c. Literæ Apostolicæ quibus per totam Italiam, &
Insulas adjacentes Providendis de Beneficiis Ecclesiasticis non mediæ
annatæ favore fabricæ Metropolitanarum, & Cathedralium, ...
-

[urn:nbn:de:hbz:466:1-74514](https://nbn-resolving.org/urn:nbn:de:hbz:466:1-74514)

ANNO
1724.

Ut Superiores in omnibus Provincialibus Capitulis de hujusmodi Constitutionis observantia diligentius inquirant

verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma ad hoc servanda foret, tenores hujusmodi, ac si de verbo ad verbum, nihil penitus omisso, & formam in illis traditam observatam exprimerentur, & infererentur, præsentibus pro plenè, & sufficienter expressis, & insertis habentes, illis aliis in suo robore permanens, ad præmissorum effectum hæc vice dumtaxat specialiter, & expressè derogamus, ac derogatum esse volumus, cæterisque contrariis quibuscumque.

Volumus autem, ne ullo unquam tempore hæc in oblivionem seu desuetudinem abeant; ut Superiores Generales, vel eorum Commissarii in Provincialium visitatione sub iisdem privationis officij, vocisque activæ ipso facto incurrendis pœnis, quæ non nisi à Nobis, vel Romanis Pontificibus Successoribus Nostri similiter relaxari valeant, de contentorum in hac nostra sanctione observantia diligentius inquirant, ac transgressores in vocis activæ, & passivæ privationis pœnam incidisse, & ad officia Ordinis inhabiles eo ipso declarent; utque eorumdem præsentium literarum transumptis, seu exemplis, etiam impressis, manu alicujus ex Secretariis Ministri Generalis, aut Notarii publici subscriptis, & Sigillo Officij ejusdem Ministri, aut Procuratoris Generalis ipsius Ordinis, vel alterius Personæ in Ecclesiastica Dignitate constitutæ munitis eadem prorsus fides in iudicio, & extra adhibeatur, quæ præsentibus ipsis adhiberetur, si forent exhibitæ, vel offensæ. Datum Romæ apud Sanctam Mariam Majorem sub Annulo Piscatoris die xvi. Novembris MDCCXXIV. Pontificatus Nostri Anno Primo.

F. Card. Oliverius.

Loco † Annuli Piscatoris.

VII.

Literæ Apostolicæ quibus per totam Italiam, & Insulas adjacentes Providendis de Beneficiis Ecclesiasticis non affectis, aut reservatis S. Sedis demandatur solutio mediæ annatæ favore fabricæ Metropolitanarum, & Cathedralium, ac Collegiarum Ecclesiarum.

BENEDICTUS EPISCOPUS

Servus Servorum Dei ad perpetuam rei memoriam.

Pius, & misericors Dominus, qui dum pro peccatis nostris irascitur, misericordiam recordatur, Templâ dominicâ construi, & divinis precibus consecrari voluit, & præcipit, in quibus cum hominibus habitat, ut plebs fidelis per oblationes, & pacificas hostias devotæ orationis, iram Judicis mitiget, ipsius Clementiam humiliter postulando. Ne igitur domos Dei, quas decet sanctitudo, & quarum decorem summo perè diligendum sacra eloquia testantur, propter temporum injuriam collabi, in pejus ruere, minusque decenter retineri contingat, Sacri Canones modis omnibus providere non omiserunt.

Veruntamen experientia ostendit, quod dolenter dicimus, hæcenus constituta haud sufficienti præsidio fore, ut sacrarum legum vota adimpleantur, quamobrem cum ad universalis Ecclesiæ Pastorem pertineat vigili cura in re tam sancta, in qua nulla sollicitudo nimia videri potest, nova subministrare subsidia, præsertim ubi de reparandis, si sive debito modo conservandis Ecclesiis Cathedralibus agitur, & Collegiatis, in quibus fidelis Populus frequentius ad orandum convenire solet, de consilio nonnullorum Venerabilium Fratrum nostrorum S. Romanæ Ecclesiæ Cardina-

ANNO
1724.

lium, & aliquot insuper dilectorum filiorum Romanæ Curie Prælatorum, quos ad id specialiter deputavimus consilio, ac etiam Motu proprio, ex certa scientia, & matura deliberatione nostris, deque Apostolicæ potestatis plenitudine decernimus, præcipimus, & mandamus per totam Italiam, & Insulas adjacentes, ut in posterum provisi de Parochialibus unâ cum incertis annuum redditum scutorum centum monetæ Romanæ excedentibus; & de Canonicatibus, & Beneficiis, tam residentialibus, quàm non residentialibus, & simplicibus sitis extra Ecclesias Collegiatis cujuscumque valoris existant teneantur solvere, & respectivè deponere mediæ annatam pro Fabrica Ecclesiæ Cathedralis; Provisi verò de Parochialibus unâ cum incertis annuum redditum scutorum centum monetæ præfatæ excedentibus; & de Canonicatibus, & Beneficiis tam residentialibus, quàm non residentialibus, & simplicibus sitis in Ecclesiis Collegiatis, vel ad illas translatis cujuscumque valoris existant itidem teneantur solvere, & respectivè deponere mediæ annatam pro fabrica Ecclesiæ Collegiatis, si sive Beneficia prædicta liberæ collationis, si sive Jurispatronatus mixti, ac etiam laicalis fuerint, & ad quemcumque electio, collatio, institutio, & provisio pertineat, si sive nimirum ad Metropolitanam, vel Ordinarium, si sive ad Capitulum, si sive ad alium quemcumque Inferiorem, dummodo collationis, institutionis, & provisionis S. Sedis minimè existant, aut etiam legitima non viget consuetudo solvendi, vel dimittendi fructus sex mensium, aut similem non tamen minorem ratam favore Fabricæ, vel Sacrifiæ, utroque enim in casu pro Fabrica prædicta nihil solvendum, aut deponendum erit.

Ut autem præmissa, quæ ad consulendum debito Metropolitanarum, & Cathedralium, ac Collegiarum Ecclesiarum decori disposita dignoscuntur, suum sortiantur effectum, præcipimus, & mandamus, quod mediæ annatæ hujusmodi deponantur penes personam idoneam ab Episcopis cum scientia, & consensu Capitulorum deputandam, & successivè ab eisdem deficiente necessitate occurrenti reparationi Ecclesiæ investiantur, & collocentur in stabilibus, & fundis, seu Capitalibus tutis, securis, atque fructiferis, ac ubi fieri poterit in locis montium Cameralibus non vacabilibus, pro dote Fabricæ singularum Ecclesiarum prædictarum, ac ejusmodi dotium annuus proventus non in alium usum, quàm reparationis, conservationis & mantentionis Fabricæ earundem Ecclesiarum, ab uniuscujusque Præsulibus, cum scientia pariter, & consensu suorum Capitulorum in occurrentibus casibus erogetur, & quotiescumque dictas Ecclesias reparatione non indigere confiterit, annui etiam fructus & fructuum fructus Dotium prædictarum in aliis stabilibus fundis & Capitalibus tutis, atque fructiferis, ac respectivè in aliis locis montium eodem prorsus modo re investiantur, & collocentur, ad hoc, ut ipsæmet Dotes majora in dies, benedicente Domino, suscipiant incrementa, adeoque earum redditus supportando reparationis Fabricæ ipsarum Ecclesiarum oneri satis esse possint.

Cæterum super præmissis omnibus, ac præsertim super iis, quæ rectam, & fidem præfatarum dotium administrationem respicient, eorumdem Archiepiscoporum, Episcoporum, & Prælatorum inferiorum, atque etiam Capitulorum conscientiam peculiariter, & distinctè oneramus; Ac insuper quoties Archiepiscopi, Episcopi vel Ordinarii Inferiores, ac respectivè Capitula in aliquo ex his defecerint, itaut vel ratione minus fidelis, idoneique depositarii, aut ex causa non facti, vel minus tuti, & exindè deperditii investmenti, aut demùm propter erogata Capitalia, vel fructus in alios usus, aliquid præjudicium emerferit Patrimoni Fabricæ ipsi Archiepiscopi, Episcopi, vel Ordinarii

Inferiores.

1725.

Inferiores, & respectivè Capitula, & singuli Canonici qui defecerint, eorumque hæredes, & successores teneantur ad omnia damna, & interesse favore prædictæ Fabricæ, eorumdemque bona omnia pro potiori cautela affecta sint, & specialiter hypothecata favore ejusdem Fabricæ.

Quoniam verò nostræ mentis non est per hanc nostram Constitutionem, ut præmissis, Sacrorum Canonum statuta, & præsidia minuire, sed quantum in Domino possumus augere favore Ecclesiarum, declaramus, & expressè volumus firmissimum nihilominus manere onus reparandi, restaurandi, & manutenendi Ecclesias Cathedralis Episcopis à Jure junctum, itaut in restaurandis, reparandis, & conservandis Ecclesiis Cathedralibus, antequam tangerentur fructus, seu capitalia favore fabricæ, vigore hujus Constitutionis consocienda, teneantur Episcopi, & ad normam Sacrorum Canonum exquiratur de eorum obligatione.

Prætereaque decernimus hanc nostram Constitutionem locum habere favore omnium Ecclesiarum Cathedralium, & Collegiarum totius Italiæ, & Insularum adjacentium, tamen pro nonnullis Ecclesiis adita fuerint aliquæ provisiones, sicuti per fel. record. Innocentium PP. XIII. Prædecessorem nostrum pro tribus Ecclesiis, nempe Auximana, Viterbien., & Tuscanen., & per Nos hæcenus pro quatuor scilicet Nuscan., Vigilien., Castellaten., & Syontina mediante unione ratæ pensionis super fructibus earumdem Ecclesiarum, ad certum tempus favore fabricæ earumdem Ecclesiarum, actum fuisse constat, & in universum pro Ecclesiis Regni Neapolitani emanaverit Constitutio sã. mem. Innocentii PP. XII. etiam Prædecessoris nostri incipiens = *Inscrutabili*, & supervenerit alia nostra ampliatiua incipiens = *Sacrosancti Apostolatus*.

Excipimus tamen ab hac Constitutione Beneficia nostræ Archiepiscopalis Beneventanæ; Dudum enim eorum respectu per aliam nostram Constitutionem incipientem = *Romanus Pontifex* = confirmando, declarando, & ampliando antiquam Constitutionem fel. recordat. Pii PP. II. pariter Prædecessoris nostri simile injunximus onus Beneficiis in universa Archiepiscopali existentibus.

Volumus autem, quod huic nostræ Constitutioni, seu solutioni mediæ annatæ prædictæ minime subiecta existant Beneficia illarum Dicecesum, & respectivè Collegiarum, in quibus reperitur opus, seu peculiare patrimonium fabricæ sufficienter instructum, aut onus, seu obligatio reparandi, restaurandi, & conservandi Ecclesias residet penes Communitates Locorum, vel adsunt dictarum Ecclesiarum Patroni, qui nisi reparare, & manuteneere velint easdem Ecclesias, earum Patronatum amittere debent; Cum enim in his satis consultum sit reparationi, & conservationi Ecclesiarum, nolimus aliud superaddere Beneficiatis impendium, quod vergeret in sublevamen eorum, qui de jure tenentur.

Decernentes easdem præsentis, ac præinsertas Literas semper validas, firmas, & efficaces existere, ac fore, suosque plenarios, & integros effectus sortiri, & obtinere, ac ab omnibus, & singulis, ad quos spectat, & pro tempore spectabit, quomodolibet in futurum, inviolabiliter, & inconcusè observari; Sicque & non aliter in præmissis per quoscumque Judices Ordinarios, & Delegatos, etiam Causarum Palatii Apostolici Auditores, ac S. A. E. Cardinales, etiam de Latere Legatos, & Apostolicæ Sedis Nuncios, aliove quolibet quavis præminentia, & potestate fungentes, & futuros, sublatà eis, & eorum cuilibet quavis aliter judicandi, & interpretandi facultate, ac auctoritate judicari, & definiti debere, ac irritum, & inane, si quid secus super his à quoquam quavis

authoritate scienter, vel ignoranter contigerit attemptari.

Non obstantibus, quatenus opus sit, nostrâ & Cancellariæ Apostolicæ regulâ de jure quæsito non tollendo; necnon Constitutionibus, & Ordinationibus Apostolicis, Statutis, usibus, stylis, & consuetudinibus, etiam immemorabilibus, etiam juramento, confirmatione Apostolica, vel quavis alia firmitate roboratis: Privilegiis quoque, Indultis, & Literis Apostolicis quibuscumque sub quibusvis tenoribus, & formis, & cum quibuscumque etiam derogatoriis derogatoriis, aliisque efficacioribus, efficacissimis, & insolitis clausulis, ac irritantibus, ac aliis decretis, etiam motu, scientia, & potestatis plenitudine similibus, & consistorialiter, ac aliàs quomodolibet in contrarium præmissorum concessis, confirmatis, & innovatis. Quibus omnibus, & singulis, etiam si pro sufficienti illorum derogatione, de illis, eorumque tenoribus specialis, specifica, expressa, & individua, ac de verbo ad verbum, non autem per clausulas generales idem importantes, mentio, seu quavis alia expressio facienda, aut aliqua alia exquisita forma ad hoc servanda foret, illorum omnium, & singulorum tenores, formas, & occasiones, ac alia speciali expressione digna præsentibus pro plenè, & sufficienter expressis, insertis, ac servatis respectivè habentes, hæc vice dumtaxat, illis aliàs in suo robore permanfuris, ad præmissorum effectum specialiter, & expressè derogamus, ac derogatum esse volumus, ceterisque contrariis quibuscumque.

Ad hoc autem, ut præsentis Literæ ad omnium noticiam facilius deveniant, & nemo illarum ignorantiam allegare valeat, volumus illas, seu earum exempla ad valvas Ecclesiæ Lateranensis, & Basilicæ Principis Apostolorum, nec non Cancellariæ Apostolicæ, Curiaque generalis in Monte Citatorio, ac in Acie Campi Flore de Urbe, ut moris est, affigi, & publicari; Sicque publicas, & affixas omnes, & singulos, quos illæ concernunt, perinde arctare, & afficere, ac si unicuique eorum nominatim, & personaliter intimatæ fuissent: utque ipsarum præsentium transumptis, seu exemplis etiam impressis, manu alicujus Notarii publici subscriptis, & sigillo alicujus Personæ in Ecclesiastica Dignitate constitutæ munitis, eadem prorsus fides tam in judicio, quàm extra illud, ubique adhibeatur, quæ ipsis præsentibus adhiberetur, si forent exhibitæ, vel ostensæ.

Nulli ergo omnino hominum liceat paginam hanc nostræ confirmationis, approbationis, innovationis, ampliacionis, restitutionis, reintegracionis, decreti, declarationis, statuti, voluntatis, mandati, Constitutionis, assignacionis, præcepti, & derogacionis infringere, vel ei ausu temerario contraire: Si quis autem hoc attentare præsumserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum. Datum Romæ apud S. Petrum Anno Incarnationis Dominicæ millesimo septingentesimo vigesimo quinto, 1 v. Idus Maii, Pontificatus nostri anno primo.

1725.

4. Idus
Maij,
1725.

Sanctissimi D. N. D. Benedicti Divina Providentia
Pape XIII. Constitutio ut Regulares Apostata ad
suos Ordines impanè reverti possint.

BENEDICTUS PAPA XIII.

Ad futuram rei memoriam.

P Astoris æterni vices licet immeriti gerentes in terris, paternæ charitatis nostræ partes esse reputamus, ut Oves, quas Sathana versuta à caulis Domini abduxit, ad eandem opportunis rationibus reducere, & ne in perpetuum pereant, quantum Nobis ex alto conceditur, providere studeamus. Ita